

եւ կերաք զհացն ի հօրքոււրանցն, և պահ մի ննջեալ՝
զնացի ի Մղտեսոնցն և անտի ի ժամ. և յետ ժամուն
պահ մի նստեալ հետ միաբանիցն մեր և ելեալ եկաք
ի տուն եւ զհացն կերաք ի հօրքոււրանցն:

Օրերքս Վօյնիկներն եկեալ էին և այսօր տեսաք
զի ժ ձի մեղրէմոմ բերին հարկս թագաւորին:

Բշի (ՉՎ Առէի) առաւօտուս զնացի ի ժամ և անտի
ի տուն և անտի ի խանութ, և ի ճանապարհին դէմ եւ
լաւ ինձ Շամլի Հասան աղան, և օրս տեսի զնա, քան
զի ընդ առաջ նորա երթային կարգ կարգ սպահիք, յետ
և յառաջ, յաջ և յահեկ սպասաւորքն և յետոյս կողմ
մանէ Ը և Թ ձիաւորք. այսպիսի շրջէր ի մէջ քաղա-
քիս փառօք: Եւ օրս բազում տղայի պարաթա կար-
միր և Փէս պատրուտեցին ի զուլուխներն և չաղչուրի
և զաւուխի խօսեցան բազմաց. և ոչ թէ զուլուխիցն
էր բանս, այլ եւ Բ եւ Գ ոգի մի եղեալ էնկիչէրոցն՝
ով ի դէմ ելանէր, նա՛ զսուրն ցուցանէին թէ Զչաղ-
չուրն կու տաս՝ նա՛ բարի, թէ չէ՝ կու զարնենք զքեզ,
եւ զայլս մերկացուցանէին: Որպէս ելեալ են ի դէմ
մեր Թէրզի Արզմանին եւ Աստուածածնայ եկեղեց-
պանն և ըմբռնեալ են զինովք Գ թէ Հանեցէ՛ք զչաղ-
չուրքն ձեր եւ սոքա ասացեալ են թէ Վասն է՞ր է.
ասացեալ են թէ Եասախ է. և զսուրն մերձեցուցեալ
են ի սիրտս նոցա թէ չը տաք՝ նա՛ կու զարնեմ. եւ
սոքա ասացեալ են թէ Սա հին է եւ ձեզ անո՞ւն է
որ զայս առնէք. ահա Լ-ակական եւ Ի-ական ըստակ
տանք ձեզ¹⁾ և զայս մի՛ առնէք. ոչ լրեւալ այլ ըն-
կողմնեցուցեալ²⁾ զնոսա, և իւրեանք քաշելով զչաղ-
չուրս նոցա՝ առեալ զնացեալ: Եւ ի պարսպի տակն
զմին հայի վերարկուն հանեալ ի յանձնէն ձեծելով և
զանելով: Եւ այսպիսի խմէին եւ ելանէին ի ճանա-

1) քեզ.

2) ընկողմնեցուցեալ.